

TE 'TOU GALUEGA TALAI

I ANUALI 2015

TE MATUA O TE MASINA: ‘Pologa ki te Aliko mo te loto maulalo.’—Galuega 20:19.

TE VAIASO E KAMATA I A IANUALI PO 12

Te Pese e 82 mo te 'Talo

❑ Sukesukega a te Fakapopotoga ki te Tusi Tapu:

fy mata. 5 ¶15-28, pokisi i te itu. 61 mo te 63 (30 minu.)

❑ Te Akoga mō Tino Talai:

Faitauga ki te Tusi Tapu: Iosua 21-24 (8 minu.)

Napa 1: Iosua 24:14-21 (3 minu. io me mu'tana ifo)

Napa 2: Kaia e Tāua 'ki ei a te Tala 'Lei?—fg-itu. 3 ¶3 (5 minu.)

Napa 3: Se a te Loto o te Atua?—jl-itu. 2 ¶3, 4 (5 minu.)

❑ Te Fakatasiga mō te Galuega Talai:

Te Pese e 61

10 minu: Pologa ki te Aliko mo te Loto Maulalo. Se sau'talaga. Faitau te Galuega 20:19. Ka oti ko 'kami atu ei ke fai mai ne manatu ki fesili konei: (1) Se a te uiga o te pati “pologa?” (2) Ne a nāi auala e mafai o pologa tatou ki te Aliko, ko Iesu Keliso? (3) Se a te loto maulalo? (4) E fesoasoani mai pefea te loto maulalo ki a tatou ke fakataunu te 'tou galuega talai?

20 minu: “Ke Momea Aka Faeloa 'Tou Atamai i te Galuega Talai—Auala ke Tali Atu ki se Tino Kaitaua i te Hale.” Se sau'talaga. Kafai ko oti ne sau'tala ki te mataupu, ke fai ne fakaasiga toe'toe e lua. Muamua, ke fakaasi atu se tino talai telā e se tali faka'lei atu ki te tino kaitaua i te Hale. Ka oti, ke fakaasi atu se tino talai telā e tali faka'lei atu i se auala atamai. Fakamalosi atu ki te kautaina ke tau'tali ki manatu fesoasoani mai lalo i te ulutala foliki “Ke Tofotofo Aka te Mea Tenei i te Masina Kātoa.”

Te Pese e 76 mo te 'Talo

Ke Momea Aka Faeloa 'Tou Atamai i te Galuega Talai—Auala ke Tali Atu ki se Tino Kaitaua i te Hale

Te Pogai e Tāua ei: A te tokoukega o tino e fetau i te galuega talai ne tino e 'gali olotou uiga. Kae ui ei, ne 'valo mai ne Iesu me ka takalia'lia mai a tino ki a tatou. (Io.17:14) Tela la, e se 'tau o 'poi tatou māfai e fetaui tatou mo se tino kaitaua i te Hale. Kafai ko fakafesagai tatou mo se tino penei, e ma'nako eiloa tatou ke tali atu i se auala telā e fakafafia atu ei ki te tino telā e sui

ne tatou, ko Ieova. (Loma 12:17-21; 1 Pe. 3:15) I te faiga tenā, ka fakagata ei ne tatou te fakalavelave. Kae ka tuku atu foki ne tatou se molimau 'lei ki te tino i te Hale penā foki loa mo tino fakalogo'logo, kae ka fai foki ei ke fia'fia o faka'logo mai māfai ko toe āsi atu ki ei a Molimau a Ieova.—2 Koli. 6:3.

Te Auala e Fai i ei:

- Ke fakatumau te matafafia i te auala e fakaasi atu ei ou foliga. I te auala tenei, e fesoasoani atu ei ke faka'lei ne ia te fakalavelave. Ke mo a e saga atu koe ki faifaiga a te tino i te Hale ki a koe. (Fai. 7:9) E mafai o ita latou i nisi taimi ona ko fakalavelave totino io me kāti ne āsi atu koe i se taimi 'se. Kae e mafai foki loa o sē fiafia a ia ki te 'tou fekau, ona me ko oti ne fakapouli olotou mafaufau.—2 Koli. 4:4.
- Ke tali atu i se leo filemu mo pati 'tagi gali. (Faata. 15:1) E mata, ne 'fagu ne koe a ia io me e fakalavelave atu koe ki a ia? E tonu, e se fakatoese atu tatou ona ko 'tou galuega, kae loto maulalo tatou o fakatoese atu māfai e 'se te taimi ne olo atu ei tatou. E mata, e kaitaua a ia i se tala sē tonu telā ne logo ei a ia e uiga ki a tatou? Kafai e tenā loa, e mafai o fai atu koe: “E malamalamu au i te pogai e kaitaua ei koe. Kae ko te mea tenā ne logo ei koe e uiga ki a matou se tala sē tonu. E mata, e fiafia koe ke fakamatala atu ne au?” E mata, e 'teke a ia ki se akoakoga a tatou, e pelā mo te tino fakatea io me ko te toto? E mafai o fai atu koe: “Au e malamalamu i te pogai e fai ei koe penā. Me e isi foki ne tino ko oti ne fakaasi mai ne latou ne manatu penā. E a, e 'lei ki a koe ke fakaasi atu ne au te akoakoga fakavae tenā mai i te Tusi Tapu?”
- Kafai te tino e kaitaua *malosi*, e 'lei atu māfai e fano koe e aunoa mo te 'toe faipati atu. Kafai e fai atu a ia me sē toe manako a ia ke āsi atu a Molimau a Ieova, e mafai o fai atu koe me ka amanaia tatou ki tena manakoga tenā.

Ke Tofotofo Aka ki te Mea Tenei i te Masina Kātoa:

- Ke fai ne fakaakoakoga i taimi o tapuakiga a kāiga.
- I taimi ko tiaki ne koulua te Hale o te tino kaitaua, ke sau'tala mo tou soa ki te auala e mafai ei ne koulua o tali atu i se auala tai 'lei atu.

TE VAIASO E KAMATA I A IANUALI PO 19

Te Pese e 69 mo te 'Talo

□ Sukesukega a te Fakapotopotoga ki te Tusi Tapu:

fy mata. 6 ¶1-14 (30 minu.)

□ Te Akoga mō Tino Talai:

Faitauga ki te Tusi Tapu: Famasino 1-4 (8 minu.)

Napa 1: Famasino 3:1-11 (3 minu. io me mu'tana ifo)

Napa 2: Ne a 'Tou Mea e 'Tau o Fai?—fg-ifu. 3 ¶4 (5 minu.)

Napa 3: A Molimau a Ieova ne Vaegā Tino Pefea? —jl-Mataupu 1 ¶1, 2 (5 minu.)

□ Te Fakatasiga mō te Galuega Talai:

Te Pese e 77

10 minu: E Mata, e Fakaaoga ne Koe te Fakasologa o Pati i te Tusi Tapu? Se sau'talaga telā e fakavae ki fesili konei: (1) E fesoasoani mai pefea te lōmiga fou o te *New World Translation* i te taimi e fai'tau ei tatou ki te (a) Esoto 28:30, (e) Mataio16:6, mo te (i) 2 Petelu 2:4? (2) E mafai pefea o fakaaoga ne tatou te fakasologa o pati ke fesoasoani atu ki 'tou tino a'koga ke maina 'lei i uiuga o pati pelā mo te (a) "feagaifa," (e) "togiola," mo te (i) "ola"? Ke fakaoti mai te fakamalosi atu ki te kautaina ke fakaaoga faka'lei a te fakasologa o pati i Tusi Tapu.

10 minu: E Mata, ko Toka Koe mō te Akoga i te Tau-saga Nei? Se sau'talaga. Ke 'kami atu te kautaina ke taku mai a nisi fakalavelave e fe'paki mo tamaliki Kelisiano i te akoga. Ke fakamatala atu a te auala e mafai ei ne mātua o fakaaoga te 'tou Web site mo 'tou lōmiga ke fai ei ke tokā olotou tamaliki. (1 Pe. 3:15) Ke filifili aka ne fakalavelave masani, ko fakafetai ei ki nisi manatu fesoasoani kolā e tuku mai ne te fakapotopotoga. Ke 'kami atu te kautaina ke taku mai ne olotou manatu e uiuga ki auala e mafai ei o talai atu latou i te akoga.

10 minu: "Ke Tumau te Gasolo ki Mua Pelā me se Tino Talai." Fesili mo Tali.

Te Pese e 20 mo te 'Talo

Ke Tumau te Gasolo ki Mua Pelā me se Tino Talai

¹ E 'tau mo Kelisiano o ga'solo ki mua pelā me ne tino talai. Tenā te pogai ne fakaakoako faka'lei ei ne Iesu ana soko i te faiga o te galuega talai. (Luka 9:1-5; 10:1-11) Tenā foki te pogai ne puke ei ne Akuila mo Pisila a Apolo kae

1. Ne a fakaakoakoga i te senitenali muamua e fakaasi mai i ei me e 'tau mo tatou o ga'solo ki mua e pelā ne tino talai?

"fakamatala faka'lei atu ki a ia a auala o te Atua." (Galu.18:24-26) Ko te pogai foki loa tenā ne fakamalosi atu ei a Paulo ki te tino talai apo ko Timoteo ke tumau i te fakagalue aka ne ia a akokoga ko te mea "ke lavea 'lei ne tino katoa" a tena gasolo ki mua. (1 Timo. 4:13-15) Faitalia te leva ne po'loga ei tatou ki te Aliki e pelā me ne tino talai o te tala 'lei, e 'tau eihoa o momea aka faeloa te 'lei o 'tou atamai i te talai atu.

² **Tauloto Mai Nisi Tino:** E tasi te auala e momea aka ei 'tou atamai ko te tauloto mai nisi tino. (Faata. 27:17) Tela la, saga tonu atu i te taimi e talai atu ei tou soa. Ke 'sala atu ki ne manatu fesoasoani mai tino talai apo, kae fakalogologo faka'lei ki te auala e talai ei latou. (Faata. 1:5) E mata, e fakalotolotolu a koe ki te faiga o toe āsiga, akoga faka-te-Tusi Tapu, io me ko nisi vaega o te galuega talai? Ke mua o fesili atu koe ki te ovasia o tou potukau talai io me se tino talai apo ke akoako ne ia koe. Ke masaua foki, me e mafai ne te agaga tapu o fakalauefa aka 'tou atamai, tela la ke 'talo atu faeloa e uiga ki ei.—Luka 11:13.

³ Kafai e maua ne koe ne manatu fesoasoani, ke mo a e kaitaua koe māfai se mea telā e se loto koe ki ei. (Fai. 7:9) E pelā mo Apolo, e 'tau mo tatou o talia a manatu fesoasoani i te loto maulalo mo te loto fakafetai. I te faiga tenā, e fakaasi atu ei ne tatou a te poto.—Faata. 12:15.

⁴ **'Tou Ga'solo ki Mua e Faka'malu ei te Atua:** E auala i se fakaakoakoga, ne fakamalosi ne Iesu ana soko ke ga'solo ki mua e pelā me ne tino talai. Ne fakatusa ne ia a ia eihoa ki te vine, kae ko ana soko fakaekegina ki kaulā. Ne fai mai a ia me e faka'ma ne te Tamana a kaulā takitasi kolā e 'fua mai "ko te mea ke 'fua malosi mai." (Ioa. 15:2) E pelā loa mo te manako malosi te pule o te togavine ko kaulā ke 'fua malosi mai, e manako foki a Ieova ke momea aka foki 'tou atamai ke 'fua mai e auala i "fuataga o 'tou gutu." (Epe. 13:15) Ne a ikuga fakafafia e maua mai i te gasolo ki mua e pelā me se tino talai? E tuku mai ne Iesu te tali: "E faka'malugina toku Tamana i te mea tenei, māfai e 'fua malosi mai faeloa koutou."—Ioa. 15:8.

2. E mafai pefea o tauloto tatou mai nisi tino?
3. E 'tau o pefea 'tou faifaiga māfai e maua ne tatou a manatu fesoasoani kolā e se 'loto tatou ki ei?
4. Se a te fakamalosiga ne tuku mai ne Iesu ke gasolo ki mua e pelā me se tino talai?

TE VAIASO E KAMATA I A IANUALI PO 26

Te Pese e 9 mo te 'Talo

□ Sukesukega a te Fakapotopotoga ki te Tusi Tapu:

fy mata. 6 ¶15-25, pokisi i te itu. 75 (30 minu.)

□ Te Akoga mō Tino Talai:

Faitauga ki te Tusi Tapu: Famasino 5-7 (8 minu.)

Napa 1: Famasino 7:12-25 (3 minu. io me mu'tana ifo)

Napa 2: Kaia e 'Tau ei o Tapuaki Atu Tatou ki te Atua?—fg-itu. 4 ¶1 (5 minu.)

Napa 3: A Molimau a leova ne Vaegā Tino Pefea? —jl-Mataupu 1 ¶3, 4 (5 minu.)

□ Te Fakatasiga mō te Galuega Talai:

Te Pese e 88

10 minu: Te Tusi Telā ka Ofo Atu i a Ianuali mo Fe-puali. Se sau'talaga. 'Kami atu te kautaina ke fakaasi mai ne tala 'gali e uiga ki te ofoatuga o te polosua ko Te 'Tala 'Lei. Ke fai se fakaasiga toetoe ki te auala e ofo atu ei te polosua. Mai tua, ko sau'tala ei ki te mataupu "Kaia e 'Tau o Olo Atu Fakavave ki 'Tou Koga Talai?"

10 minu: Toeaina Kolā e Pologa mō te Alikī—Te Taina Telā e Fai ne ia te Sukesukega ki Te Faleleoleo Maluga. Ke fakasau'tala aka te taina telā e fai ne ia te Sukesukega ki Te Faleleoleo Maluga kae ke fakavae te sau'talaga ki fesili konei. Ne a mea e aofia i tou tofiga? Se a te auala e fakatoka ei koe ki te Sukesukega ki Te Faleleoleo Maluga? Kaia e se mafai ei ne koe o taku a igoa o tino katoa kolā e sisi olotou lima? I te auala fea e fesoasoani atu ei te taina telā e faitau, latou kolā e fai olotou tali, penā foki mo taina kolā e fesoasoani ki mea faka'lasī leo, ki te faiga o te Sukesukega ki Te Faleleoleo Maluga ke aoga kae fakafafia? Ne fesoasoani atu pefea te Akoga mō Toeaina mo Tavini Fesoasoani fakamuli nei, ke mafai ei ne koe o fakataunu te tofiga tāua tenā?

10 minu: "Fakaoga te jw.org i te Galuega Talai—"—"Become Jehovah's Friend" " Se sau'talaga. Ke 'toe sau'tala ki nisi fakamatatalaga i te vaega tenei i te 'tou Web site, ka oti ko pei atu se vaega o te ata tenei ki te kautaina. Ke 'kami atu te kautaina ke fakaasi mai a auala e fakaoga ei ne latou te ata tenei, "Ke Fai Koe mo Taugasoa o leova" i te galuega talai mai fale ki fale, i mua o tino tokouke, io me i so se taimi.

Te Pese e 135 mo te 'Talo

Kaia e 'Tau o Olo Atu Fakavave ki 'Tou Koga Talai?

I te taimi e maopoopo ei tatou mō te galuega talai, e fakatasigi tatou mo 'tou taina kae se mea masani ke ma'nako tatou o sau'tala mo latou. Kae ui ei, kafai ko oti te fakatasiga, e 'tau o olo atu fakavave tatou ki 'tou koga talai. A te 'tou galuega talai

e manakogina ke fai fakavave. (2 Timo. 4:2) Ko te fui olo fakavave o tatou, ko te mu'tana foki o 'tou taimi ki te galuega talai. I te taimi e ga'lue fakatasi ei tatou i te galuega talai, ka mafai ei o maua ne tatou a avanoaga e uke kolā e mafai o fakamalosi aka ei tatou. A te olo fakavave atu o tatou ki 'tou koga talai e aunoa mo se fakatalave, e fakaasi atu ei ne tatou te 'tou loto finafinai i te ga'lue e pelā me ne pologa ki a Ieova mo tena Tama.—Loma 12:11.

Fakaoga te jw.org i te Galuega Talai—"Become Jehovah's Friend"

I te ulutala tenei "Bible Teachings" i te jw.org, e isi se vaega mō tamaliki telā e fakaulutala penei, "Become Jehovah's Friend" kae aofia i ei a pese, vitio, mo nisi mea aka foki kolā e mafai o fai ne tamaliki. E mata, ko oti ne fakaoga ne koe te vaega tenei i te galuega talai? Kafai e sukesuke koe ki te Tusi Tapu mo se mātua telā e isi ne ana tamaliki, kaia e se fakaasi atu ei ne koe ki ei? I te faiga tenā, ka fai ei ke fiafia a ia o toe onoono ki nisi vaega i te 'tou Web site.

I te taimi ne tufa ei te Te Tala 'Lei Napa 38, ne fetaui se taina mo se fafine kae tuku atu ne ia te tamā pepa telā ne fai tau foki loa ne tou fafine i te taimi tenā. E isi ne ana tamaliki kae ne fia iloa malosi ne latou a mea e uiga ki te tamā pepa tenā. Ne fakamatatala fakatoetoe atu ne te taina tenei kae fakasino atu ki fakatuatusi i luga i te itaneti kolā e maua i te fakaotiga o te tamā pepa tenei. Ona ko te mea ne fakaasi mai ne te fafine a tena fiafia, ne fakaoga ei ne te taina te avanoaga tenei ke fakaasi atu ne ia se vitio e tasi a Kalepo mai i tena mobile ki te fafine mo ana tamaliki.

Ne fakamatatala atu ne se tuagane ki se fafine e ga'lue tasi mo ia kae isi ne ana tamaliki, a te 'tou Web site mo fakamatatalaga kolā e tuku mai ei mō kāiga. Ne onoono fakatasi te fafine mo ana tamaliki ki te jw.org. Fakamuli ifo, ne fai atu tou fafine ki te tuagane i ana tamaliki ne oolo sale i tua i te fale kae usu ne latou te pese "Preach the Word," telā se pese e tasi mai i pese i te vitio "Become Jehovah's Friend."

Ke fakamasani ki te vaega tenei kae 'kopi a vitio, pese, mo nisi mea kolā e fai ne tamaliki ki loto i tau mobile. Mai te faiga tenā, ka mafai ei o toka koe ke fakaoga te vaega tenei o te jw.org i te galuega talai. Se mea faigaluega tāua 'ki telā e fesoasoani mai ke pologa tatou ki te Alikī!—Galu. 20:19.

TE VAIASO E KAMATA I A FEPUALI PO 2

Te Pese e 117 mo te 'Talo

□ Sukesukega a te Fakapotopotoga ki te Tusi Tapu:

fy mata. 7 ¶1-13, pokisi i te itu. 82 (30 minu.)

□ Te Akoga mō Tino Talai:

Faitauga ki te Tusi Tapu: Famasino 8-10 (8 minu.)

Napa 1: Famasino 8:13-27 (3 minu. io me mu'tana ifo)

Napa 2: A te Atua se Vaegā Tino Pefea? —fg-itu. 4 ¶2, 3 (5 minu.)

Napa 3: Kaia e Fakaigoa ei Matou ki Molimau a leova?—jl-Mataupu 2 ¶1, 2 (5 minu.)

□ Te Fakatasiga mō te Galuega Talai:

Te Pese e 110

10 minu: Ke Ofo Atu te Mekesini i te Masina o Fepuali. Se sau'talaga. Ke fai se fakaasiga ki te auala e ofo atu ei te mekesini, kae ke fakaaoa a pati fakatomua fesoasoani i te itulau tenei. Ka oti, ko toe sukesuke faka'lei ei ki pati fakatomua fesoasoani mai te kamataga ki te fakaotiga.

10 minu: Te Pologa ki te Aliki e Manakogina ei te Loto Mau mo te Loto Tau-mafai. Se sau'talaga telā e fakavae mai te Yearbook 2014, itulau 59, palakalafa 1, ki te itulau 62, palakalafa 1; mo te itulau 67, palakalafa 2. 'Kami atu te kautaina ke fai mai ne olotou manatu ki akoakoga aoga ne maua ne latou mai i ei.

10 minu: Ne Fai Pefea ne Tatou? Se sau'talaga. 'Kami atu a tino talai ke taku mai olotou manatu e uiga ki mea aoga ne maua ne latou mai te fakagalue aka o manatu mai te mataupu "Ke Momea Aka Faeloa 'Tou Atamai i te Galuega Talai —Auala ke Tali Atu ki se Tino Kaitaua i te Fale." Fesili atu ki te kautaina ke fakamatata mai olotou tala 'gali.

Te Pese Fou "Tuku Mai te Loto Toa" mo te 'Talo

Fakamasauaga: Fakamolemole ke faktagi te pese ke fakalogologo ki ei, ka oti ko usu ei te pese fou.

Faka'pulaga

■ Tusi kolā ka ofo atu i te masina o **Ianuali mo Fepuali 2015:** Te polosiu ko *Tē Tala 'Lei Mai te Atua! Mati mo Apelila: Te Faleoleleo Maluga* mo te *Awake! Me mo Iuni: Ne a Mea e Akoako 'Tonu Mai i te Tusi Tapu?* io me ko te *E Mata, e Fia Iloa ne Koe te Mea Tonu?*

■ I te kamataga o masina takitasi, e 'tau o fakatoka kae lafo atu ne te failautusi o te fakapotopotoga a lipoti mō te galuega talai a te fakapotopotoga kātoa ki te ofisa lagolago. E 'tau o tuku atu a lipoti e auala i te faka'fonuga o te pepa *Congregation Report* (S-1) io me fakaaoga te website ko te jw.org. E 'tau o maua ne te ofisa lagolago a lipoti konei mai mua o te po 20 o masina takitasi.

■ Te matua o te läuga mō tino katoa telā ka fai ne te ovasia o te fenua i te suā āfa o te tausaga faka-te-taviniga i te 2015 ko te "E Mafuli'fuli a Mea Kolā e 'Tupu i te Lalolagi Tenei."

Pati Fakatomua Fesoasoani

TEFALEOLEO MALUGA Fepuali 1

"E tufatufa atu ne matou te tamā pepa tenei ki tino katoa i te koga tenei. E fakamatata atu ei a manatu tāua i te Tusi Tapu. Tenā tau 'kopi. [Tuku atu ki te tino i te fale te tamā pepa *Se a Tau Kilokiloga ki te Tusi Tapu?*] Kāti e mafai o mafau-fau a nisi tino me e mata, e maua i te Tusi Tapu a manatu tāua kolā e mafai o fesoasoani atu ki olotou galuega. Mafau-fau ki mea e fakaasi mai ne te fuaiupu tenei e uiga ki galuega. [Faitau te Failauga 3:13.] E maua i loto i te mekesini tenei a nisi fakatakitakiga i te Tusi Tapu kolā e fesoasoani mai ke maua ne tatou a te *fifia* i 'tou galuega. E a e fifia koe o faitau ki ei?"

Te Lipoti Toetoe o te Galuega Talai

Ko oko loa i te fia'fia ke lavea atu me ko oti te Fale Tapuaki (*Kingdom Hall*) o Wainivula i Suva. A te faka'tuga o koga tapuaki ke pili ki koga 'nofo o 'tou taina ne fakafagifie 'ki ki tino a'koga ki te Tusi Tapu mo tino fia'fia ke 'kau atu ki fakatasiga a te fakapotopotoga. Ne fesoasoani atu foki te mea tenā ki tino 'tuli. A te galuega ki te fakatūga o te fale tenei ne fai pelā me se molimau 'lei ki tino i te koga tenā ke tavae atu ki a leova.



km15.01-VL-TV
141013